

عقوب الحميداني

الشيخ : عقوب شيخ الحمادين من الصعران من بربه (مطير) واسع المعرفة حلیم ذو رأي صائب شاعرو له عدة قصائد لم يصلنا سوى هذه القصيدة التي يرد فيها على الشيخ فيحان بن زربان.

الزول يافيحان قلبه دليله
زول بلا عين يتيه الطواريق

ورجل بلياً عقل واعزتي له
دلو على الجيلان غادي تشاليق

والرجل يصبر لين يبخص حصيله
والبيض خوانات عهد المواتيق

اللي صفى لي صدق حق ارعوي له
ومن صد صدة من قفاه المسابيق

طير على راعيه ماينثني له
اقفى مع اللجة لريشه تخافيق

ودك ترافق كاسبين النفيلة
فكاكة التالي الى ذهب الريق

وان شلت حمل ثم كادك مشيله
شالوه ماهو هرج لاهل اللماصيق

أهل الهروج اللي قليل حصيله
اللي يتلون المقفي مراشيق